



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1649

Nvm. 1. Nomen.

urn:nbn:de:hbz:466:1-13167

Omnis erant bellicosissimi; eorumque fortitudinem Romani probauere, atque demirati sunt.

Apud Athamanes uxores colebant agros, dum viri oves & boves pascerent; Heraclides.

Aetarnanes nutriebant comam & funda peritissime utebantur. Item optimi erant Pancratia, & eorum primus imagine donatus est Polycles, operâ Lisippi, ut scribit Pausanias.

N V M. 6. Politia.

REGES Epiti ab Aeaco, Rege Insulae Eginæ, se prognatos gloriantur. Eorum primus memoratur Pyrrhus Achillis filius, cum regnum patrium perdidisset, dum distinetur Troiano bello. Aliquam tamen eius partem concessit Heleno filio Priami unde cum Andromache Hectoris uxore, videlicet Chaoniam prouinciam. Heleno successit filius Molossus in parte regni, quem ab eo Molossis, aut Molossia nuncupata est. Eo sine liberis mortuo regnum occupavit Piales, unde Reges Epiti propagati sunt. Famosi sunt Arymbas qui Athenis nutritus est, & eius filius Neoptolemus pater Olympiadis, & Alexandri primogeniti, qui in Italiâ cecidit: at eius secundogenitus Aeacides Pyrrhi pater fuit, cuius operâ Epitorum gloria viguit. Tandem Macedoniæ regno Regnum Epiti unum est, quo deleto Romanis cessit. Nihilominus exinde memoratur Rex in Athamaniâ, qui à prefectis Philippi electus fuit. Quomodo autem Romanis cesserit, & eorum auaritiae patuerit, diximus in qualitate Epiti, vbi de eius diuitiis egimus.

§. 4. Thracia.

N U M E R V S I. Nomen.

DICTA est Thracia teste Stephano à Nymphâ Titanis filia, ex quâ Saturnus Dolongum filium suscepit. Hanc incantatricem fuisse ex Arriano docet Eustathius.

Antea vocabatur PERCA & ARIA, ut vult idem Stephanus; ut Suidas ODRYSE. CRESTONA apud Lycophronem ut censet Tzetzes; SCYTHON ut Erithreus, unde scythonis unda pro mari Thracio apud Ouidium legitur. De variis incolarum nominibus

Iege Ortelium in Thesauro ad vocem *Thracia*, vt Thyni, Strymonij, Bardi, Dolongi, quorum veteres meminere. Neque putabis in scriptores mediæ ætatis irrepsisse mendum dum *Trachiam* pro *Thraciâ* leges.

N V M. 2. *Populi.*

COMMEMORABO præcipuos duntaxat, & quorum in scriptoribus crebrior mentio.

BESSI, gens latrociniis dedita vulgo ληστοι cognominati; ab Herodoto, & Solino Nesso flumini affiguntur; à Strabone, & Lilio ad Ænum montem; inter utrumque spatium eos collocat Eutropius, qui eorum urbem vocat *Vscudamam*, quæ postea Hadrianopolis: τεραχωίται, & τεράχωμοι, apud Stephanum dicuntur. De eorum Principe Rabocento vide Tul. in Pison. n 84.

DENSELETHÆ Thracum generosissimi, & Romanis addictissimi, quorum operâ C. Sentius prætor reliquorum Thracum vires, & arma elusit: sed lacestisti à Pisone Macedoniam Thessalonicam usque depopulati sunt; vide Tullium loco suprà laudato. Eorum regio postea Dantheletica nuncupata est.

MÆDI, apud Liuium, & Strabonem *Medi*, quorum urbs *Iamphorina*; vicini erant Macedonibus, & ad hos transgressi, ut ait Stephanus, μαδόβιοι nuncupati sunt.

ODRYSÆ populi Thraciæ celeberrimi, à quibus Thracia dicta est Odrysia. Quid potuerint illi populi, & de eorum regibus apud Thucyd. lib. 2. disces. Circa Hebrum collocat eos Solinus: apud scriptores mediæ ætatis Hadrianopolis in Odrysis collocatur, sic locutus est *Metaphrastes*. Non possunt eorum assignari limites, quia olim latissimè regnarunt: ineptè recentior quidam eos ad Multauos ablegat.

N V M. 3. *Quantitas.*

AMPLISSIMI fuerunt olim Thraciæ limites, si quidem gens Thracum maxima post Indos dicitur apud *Herodotum*. Plinius eos ad Istrum usque porrigit, *Appianus* necit Illyriis, *Ammianus Marcellinus* in Thraciâ Scordiscos locat. Versus Meridiem, alij ad Atho montem, alij ad fines Peninsulæ Pallenes promouent. Quidam ad Olympum montem quem Thraciæ, & Macedoniæ limitem assignavit *Eratosthenes*: immo & ad Achiam usque atque Bœ-